

## lôháneh Siu tiòh Phahkhui ê Sèkng Chheh

**10** Góa koh khòa<sup>n</sup>kì<sup>n</sup> lēnggōa chitê ū tōa khùilát ê thi<sup>n</sup>sài tùi thi<sup>n</sup>téng kàng lòh lái; i sin chhēng hūncháí, thâu téng ū khēng ūi teh; i ê bīn chhinchhiū<sup>n</sup> jítthâu, siang kha chhinchhiū<sup>n</sup> hóethiāu. 2 I chhiú thèh chít kng íkeng phahkhui ê sè kng chheh. I ê chià<sup>n</sup>kha táh hái, tòkha táh tē. 3 I tōasia<sup>n</sup> hoah, chhinchhiū<sup>n</sup> sai teh háu; i chít hoah, tòh ū chhitê lúi chhut sia<sup>n</sup> hōèng. 4 Chhitê lúi chhut sia<sup>n</sup> liáuāu, góa tú beh siá lòh lái ê sī, khiok thia<sup>n</sup>kì<sup>n</sup> tùi thi<sup>n</sup> ū sia<sup>n</sup> kóng, “Chhitê lúi số kóng ê, lí tiòh hong bát, m̄ thang siá lòhlái.”

5 Liáuāu, góa khòa<sup>n</sup>kì<sup>n</sup> hitê kha táh hái kah tē ê thi<sup>n</sup>sài òng thi<sup>n</sup> giákhí i ê chià<sup>n</sup>chhiú, 6 kí hit ūi chhòngchō thi<sup>n</sup> kah thi<sup>n</sup>téng bānmih, tē kah tēchiū<sup>n</sup> bānmih, íkíp hái kah hái nih bānmih ê hit ūi éngseng SiōngChú chiùchōa kóng, “Bē koh iānchhiān ā! 7 Tī tē chhit ê thi<sup>n</sup>sài pūn kóchhoe ê jít, tng kóchhoe ê sia<sup>n</sup> hiángkhí ê sī, SiōngChú ê òpì tòh ē sīthiān, tú chhinchhiū<sup>n</sup> I tùi I ê lôpók, iā tòh sī chhèng tãigiānjīn số soankò ê áne.”

8 Góa íchēng tùi thi<sup>n</sup>téng số thia<sup>n</sup>kì<sup>n</sup> ê sia<sup>n</sup>, koh tùi góa kóng, “Lí khì kha táh hái kah tē ê thi<sup>n</sup>sài hia, kā i chhiú tióng hit kng phahkhui ê chheh thèh lái.” 9 Góa tòh khì kàu hitê thi<sup>n</sup>sài hia, chhiá<sup>n</sup> i kā hit kng sèkng chheh hō góa. I tùi góa kóng, “Lí thèh khì, koh kā i chiáh lòhkhì. Lí ê paktó ē kámkak khó, m̄ koh tī chhùilāi khiok ē tì<sup>n</sup> kah chhinchhiū<sup>n</sup> bit.” 10 Góa tòh tùi thi<sup>n</sup>sài ê chhiú tióng thèh hit kng sèkng chheh, koh kā i chiáh lòh pak, chhùilāi kójiān tì<sup>n</sup> kah chhinchhiū<sup>n</sup> bit, m̄ koh thun lòhkhì paktó tòh piàn khó.

11 Thi<sup>n</sup>sài koh tùi góa kóng, “Lí tiòh koh khì tùi chēchē bīnchók, pangkok, kóng tak chióng gígiān ê lāng kah kunōng soankáng SiōngChú ê ígiān.”

## 約翰收 tiòh Phah 開 ê 細卷冊

**10** 我 koh 看見另外一個有大氣力 ê 天使 tùi 天頂降落來；伊身穿雲彩，頭頂有虹圍 teh；伊 ê 面親像日頭，雙腳親像火柱。2 伊手 thèh 一卷已經 phah 開 ê 細卷冊。伊 ê 正腳踏海，倒腳踏地。3 伊大聲 hoah，親像獅 teh 哮；伊一 hoah，tòh 有七個雷出聲回應。4 七個雷出聲了後，我 tú beh 寫落來 ê 時，卻聽見 tùi 天有聲講：「七個雷所講 ê，你 tiòh 封密，m̄ thang 寫落來。」

5 了後，我看見 hitê 腳踏海 kah 地 ê 天使 òng 天 giáh 起伊 ê 正手，6 kí hit 位創造天 kah 天頂萬物、地 kah 地 chiū<sup>n</sup> 萬物，以及海 kah 海裡萬物 ê hit 位永生上主 chiùchōa 講：「Bē koh 延 chhiān ā! 7 Tī 第七個天使 pūn 鼓吹 ê 日，當鼓吹 ê 聲響起 ê 時，上主 ê 奧祕 tòh ē 實現，tú 親像祂對祂 ê 奴僕，也 tòh 是眾代人所宣告 ê áne。」

8 我以前 tùi 天頂所聽見 ê 聲，koh 對我講：「你去腳踏海 kah 地 ê 天使 hia，kā 伊手中 hit 卷 phah 開 ê 冊 thèh 來。」9 我 tòh 去到 hitê 天使 hia，請伊 kā hit 卷細卷冊 hō 我。伊對我講：「你 thèh 去，koh kā 它食落去。你 ê 腹肚 ē 感覺苦，m̄ koh tī 嘴內卻 ē 甜 kah 親像蜜。」10 我 tòh tùi 天使 ê 手中 thèh hit 卷細卷冊，koh kā 它食落腹，嘴內果然甜 kah 親像蜜，m̄ koh 吞落去腹肚 tòh 變苦。

11 天使 koh 對我講：「你 tiòh koh 去對 chēchē 民族、邦國、講 tak 種語言 ê 人 kah 君王宣講上主 ê 預言。」